

William Marrion Branham

Inkombe

Lelo munshiku she shiwi lya kwa malaika uwalenga cinelubali...

Ukuso 10:7

IFILI MUKATI

1 KASESEMA?

5 UBULAYO PALI KASESEMA MU
NSHIKU SHAKULEKELESHA

9 U KUTENDEKA

12 IMYAKA YAKU BWAICE

22 IMPINDA YA MULILO

28 I FYANKAMA UKUSOKOLOLWA

32 IFYAKULOSHAKO

Voice Of God Recordings, Inc. bupyungishi bwa filonganino fyonse ubo ubwaipela ku kulundulula kwa Mbila nsuma yakwa Shikulu Yesu Kristu. Cili lipepo lyesu ukuti aka katabo kali no kuba ipalo kuli imwe kabili no kumupela uku kutuluka kusuma kwa nshita ya kulekelesha tuleikalilamo.

KASESEMA?

Mu Baibele, Lesa lyonse ale leta Imbila Yakwe ku bantu ba mwisonde ukupitila muli kasesema waku nkulo. Wene asosele kuli Mose ukupitila mu cimpusa cale aka umulilo no ku mupela umulimo wa ku tungulula aba Hebere ukufuma mu Egupti. Impinda ya Mulilo iyalemoneka ne fishibilo fimbi fyapelwe ku kushininkisha ubupyungishi bwakwe. Yohane Kabatisha aletele Imbila ukuteyanya isonde ku kwisa kwakwa Mesia. Pa nshita ya kubatisha Shikulu Yesu mu Mumana wa Yordani, Ishiwi ukufuma ku Muulu lya shininkishe umulimo wakwa Yohane uwa kulanga Umwana wa mpanga wakwa Lesa, “Uyu e Mwana maume wandi uwatemwikwa, muli wene emo Mbekelwa.” Imyaka panuma, i Shiwi lyakwa Shikulu lyalyumfwikwe na kabili ukulanda kuli kasesema lintu Wene asosele kuli Paulo ukupitila mu Lubuuto lukalamba, elyo panuma uku mupela umulimo wa kubika inkuta mu muyano. Monse mu Cipyana na mu Cipingo Cakale, Lesa tabalile alanda ku bantu Bakwe ukupitila mu kabungwe kamipepele. Wene lyonse alanda ukupitila mu muntu umo: kasesema Wakwe. Kabili Ale shininkisha aba ba kasesema ukupitila mu fishibilo fyapulamo.

Nomba nga lelo? Bushe Lesa acili alasokolola i Cebo Cakwe kuli bakasesema? Bushe eko ficili ifishibilo fyapulamo? Bushe kuti Lesa atuma kasesema wamu bushiku bwa nomba mwisonde? Ubwasuko buli icinecine,

“Ee!”

Nomba tukeshiba shani lintu kasesema aima? Bushe akamoneka shani? Bushe akalacita shani? Cishibilo nshi

cintu wene akapela kuli ifwe? Malembo nshi yantu wene akafikilisha?

Bakasesema bakale bali ni mpalume shakwa Lesa, kabili tabali na mwenso wa kusuusha utubungwe twa mipepele. Nakuba, ilingi line balepontelwa kuli bashimapepo. Eliya apinkene no tubungwe twa bukapapa utwa nshita yakwe, ukubepusha ngacakuti Lesa kuti acindika ifya kuninika fyabo, nangu icakwe. Bene bapundile. Bene baseseme. Bene batolokele pa mulu wa cipailo. Bene baicenawile ne myele. Lelo Lesa tabomfwile. Eliya aloleshe ku Muulu no kutila, “Lekeni cishibikwe buno bushiku ukuti imwe muli Lesa mu Israeli, no kuti Ine nine mubomfi Wenu, kabili ukuti Ine nincita ifi fyonse ukulingana ne cebo cenu.” Lyene wene aitle umulilo ukufuma ku Muulu ku kwisa oca ica kuninika. Mikaya kasesema asuushishe Imfumu ya Israeli, na bushimapepo bonse, lintu wene akalipile Shimapepo Mukalamba Zedekia pa kusesema ubufi. Uyu Shimapepo Mukalamba amutobele ulupi kabili Imfumu ya mubikile mu cifungo pa kulanda icishinka. Nangu fye ni Shikulu Yesu alipatilwe nganshi ku tubungwe twa bukapapa utwa nshita Yakwe icakuti ba Mutanike pamo naba cila pa mbifi. Ngacakuti ilyashi lyakale lya cine, kasesema ali no kupatwa ku mibele ya filonganino fya nomba, no kumulenga ukuba uwa miponto, kasesema wa bufi, nangu ifya bipishapo. Lelo Lesa akeminina no mubomfi Wakwe.

Nga cakuti kwali kasesema muli buno bushiku bwa nomba, kuti ena apokelelwa shani ku Lukuta lwaba Katolika? U Lukuta lwaba Baptisti? U Lukuta lwaba Lutherani? Icili conse icilonganino?

Shikulu Yesu apele umulimo kuli bonse aba Mutetekela: *“Nefi fishibilo fikakonka abo abatetekela; Mwi shina lyandi bakatamfishamo ifiwa; bakalandila mu ndimi shipya; Bakekate nsoka; kabili nga banwe cabwanga, tacakabacite akabi; bakabike ndupi shabo pa balwele, nabo bakaba abatuntulu.”* (Marko 16:17-18). Bushe ili

Lembo lya cishinka ilelo? Nga cakuti te cishinka, ni lilali lintu Ifyebo fyakwa Shikulu fyapwile? Monse mu Baibele, ba kasesema baleundapa abalwele, ukutamfya ifiwa, no kucita ifisungusho. Mose aimike insoka ya mukuba ku cinso ca Israeli ku kubondapa ku kusumwa kwa nsoka sha busungu (Impendwa 21:9). Naamani, uwampamfu umwina Siria, aishile kuli Elisha ku kundapwa ku fibashi (II Ishamfumu 5:9). Ilintu umulumendo aponene ukufuma pa ng'anda yapa mulu, umutumwa Paulo amufukatile no kubwasha umweo mu mubili wafwa (Imilimo Ya Batumwa 20:10). Ifwe twakwata fye ifyalembwa pali nalimo imyaka 3½ iya bumi bwakwa Shikulu Yesu, lelo muli iyo myaka i inono, Wene atwalilile ukundapa abalwele. Impofu shalelengwa ukumona. Abafibashi baleundapwa. Bacibuulu balepokelela ukumfwa. Ifilema fyale enda. Bonse ubulwele bwa musango shani bwale undapwa (Mateo 4:23).

Lesi kabili ashininkishe bakasesema bakwe munshila shimbi pamo no kundapa. Nangu fye ni nkama shafiswa isha pa mutima shalelengwa ukwishibikwa kuli aba baume bakwa Lesi. Imfumu Nebukadnesari akwete iciloto camucushishe, lelo wene taibukishe cali pacinshi. Kasesema Daniele aebele imfumu fyonse fibili iciloto no busesemo ubwakonkelepo (Dan 2:28). Tapali nelyo cimo icafishilwe kuli Solomoni ilyo Namfumu waku Sheba aishile ku cinso cakwe. Wene aisushiwemo no Mupashi icakuti aebele umwanakashi amepusho yonse ayali pa mutima wakwe *talati* ayepushe (I Ishamfumu 10:3). Elisha aebele Imfumu ya Israeli amapange yonse aya Mfumu yaku Siria, nangu fye niku mashiwi ya munkama ayasoselwe mu muputule wakwe uwa kusendamamo (II Ishamfumu 6:12).

Ukupitila mu milimo Yakwe yine, Shikulu Yesu ilingi alelanga ukuti uyu Mupashi wa kulingulula Mupashi wakwa Kristu. Wene alingulwile imibele yakwa Natanaele

lintu Atile, “Moneni umwina Israele wa cine cine, muli wene tamwaba bucenjeshi!” Kabili Yesu atwaliliile ukweba Natanaele kuntu ali lintu Filipi alemweba pa lwakwa Mesia (Yohane 1:48). Lintu Natanaele amwene ukuti Yesu alishiibe ifya mu mutima wakwe, ilyo line a Mwishibe nga Kristu. Umuku wakubalilapo Yesu amwene Petro, Ali mwebele ishina lyakwa wishu, ilya Yona (Yohane 1:42). Petro lyene asuulile fyonse no ku konka Yesu ubumi bwakwe bonse. Yesu akumenye umwina Samaria umwanakashi pa cishima no kumweba imemba shakwe ishakale. Amashiwi ya mwanakashi aya kubalilapo yali, “Mukwai, Nimono kuti muli kasesema” (Yohane 4:19). Bonse aba bantu batatu bali aba bumi bwapusana, lelo balemwishiba Yesu ilyo line lintu Ale langa icabupe ca kulingulula.

Bushe ici icabupe califuminapo lintu ibula lya kulekelesha ilya Baibele lyalembelwe? Ngacakuti ifi fisungusho fyalembwa pa lwalala mu Baibele, fili kwi ilelo? Kasesema wa bushiku bwa nomba cine cine kuti ashininkishiwa ku fisungusho.

Bushe Lesa alilaba abantu Bakwe? Bushe Acili ale undapa abalwele? Bushe Acili alelanda kuli ifwe ukupitila muli bakasesema Bakwe? Bushe umo muli ba kasesesma alimwene libela buno bushiku?

Bushe kucili ubusesemo ubufwile ukufikilishiwa?

UBULAYO PALI KASESEMA MU NSHIKU SHAKULEKELESHA

Amashiwi yene aya kulekelesha ayalembwa mu Cipangano Cakale yapela ubu bulayo: **“Moneni, Nkatuma kuli imwe Eliya kasesema ku kutangililo kwisa kwa bushiku bwakwa SHIKULU: Ubukulu kabili ubwa kutiinya, na o akabweshe mitima ya bashibo pa bana, ne mitima ya bana pali bashibo, epali Naisaume calo ku citipu.”** (Mal 4:5-6)

Ubushiku ubukulu kabili ubwakutinya ubwakwa Shikulu bucili buleisa, eico ifwe tufwile mucishinka ukufwaya kasesema Eliya. Muli Baibele, bakasesema tabaleisa kwi bumba likalamba ilya tubungwe twa bukapepa. Baleisa ku basalwa abanono. Elenganyeni ngacakuti kasesema wa Malaki 4 aishile, kabili bali mupushile. Nga ngacakuti wene ali nga bakasesema bakale, kabili bantu ba palupifye bamwishiba? Ngacakuti uyu kasesema afwile ukubwela mu bushiku bwa kulekelesha, tuka mwishiba shani? Ubwasuko bulifye pa mbilibili mu Malembo. Wene akaba ne mibele yakwa kasesema. Wene akeshiba inkama sha mu mutima. Akacite fisungusho. Utubungwe twa bukapepa tukesha uku musausha. Lelo kukaba abasalwa abanono abakamwishiba nge nkombe yalailwe iya ubo bushiku.

Tukeshiba shani lintu Eliya akesa? Mibele nshi wene akalanga pakuti tukamwishibe?

Eliya ali mwaume wa mumpanga. Ifishibilo fikalamba ne fisungusho fyakonkele ubupyungishi bwakwe. Wene ashimikile ukususha ububifi bwa bushiku bwakwe. Wene sana sana ashimikile ukusuusha ubuwelewele bwakwa

Namfumu Yesebeli. Lintu Eliya asendelwe ku Muulu mwi celeta lya mulilo, umupashi wakwe wawilile pali Elisha. Ifishibilo ifikalamba ne fisungusho lyene fyakonkele ubupyungishi bwakwa Elisha, kabili na o ashimikile ukusuusha imembu she sonde. Bonse babili bakasesema baiminine beka ukupinkana no tubungwe twa bukapepa bwa bulya bushiku. Imyaka imyanda ne myanda panuma, umupashi umo wine wabwelele pe sonde muli Yohane Kabatisha. Kasesema Malaki aseseme ukuti Eliya ali no kubwela ku kwishibisha Shikulu: *“Moneni, Nkatume nkombe yandi, ku kukungule nshila ku ntanshi yandi...”* (Malaki 3:1). Yohane Kabatisha ali cine uwayana kufyo wene alebilisha ku kulapila pakati ka bana bakwa Lesa. Cimo nga Eliya, wene ashimikile ukusuusha imfumu no tubungwe twa mipepele ya nomba. Shikulu Yesu ashininkishe ukuti Yohane Kabatisha e kasesema wa Malaki 3 mwi Buku lya Mateo (11:10): *“Pakuti uyu eo, uwalembelwe, Mona, Ndekutangishishe nkombe yandi, intu ikakuwamishe nshila kuntanshi yobe.”* Luka 1:17 itila ukuti umupashi wakwa Eliya (Eliasi) wali nokuba muli Yohane Kabatisha, *“Kabili wene akatangilila mu mupashi na maka ifya kwa Eliya, ku kupilibwile mitima yaba shibo ku bana.”* Lelo moneni ukuti iciputulwa ca bubili ica kwa Malaki 4 cali tacilafikilishiwa: *“...ne mitima ya bana pali bashibo, epali Naisaume calo ku citiipu.”* Ico ciputulwa ca Malembo cili no kwisa citika intanshi ya Kwisa kwa Cibili ukwa kwa Kristu.

Imyaka amakana yabili panuma yakwa Yohane Kabatisha, cili nakabili ni nshita ya mupashi wakwa Eliya ukubwela pe sonde.

Ubo bushiku bwalifika! Muli ino nkulo, twalimona umupashi wakwa Eliya ukubwela. Wene atashiishe imibele ya filonganino fya nomba. Wene asuushishe ulubembu lwe sonde. Wene alangile imintapendwa ya fishibilo ne fisungusho. Ashimikile Baibele icebo pa cebo ukutula ku Ukutendeka ukufika ku Ukusokolola. Kasesema wa Malaki

4 aishile nga ifyo calailwe, kabili aletele Imbila ukufuma ku Cipuna ca bufumu ica kwa Lesa Impalume. Ishina lya kwa uyo kasesema ni **William Marrion Branham**. Ifwe tumwita “Munyina Branham.”

“William Branham, untu Natemenwe no kucetekela ukuba kasesema wakwa Lesa.” Oral Roberts, kasabankanya waishibikwa nganshi mwi sonde kabili umwine wa Oral Roberts University.

“William Branham a twendele nga kasesema wakwa Lesa no kutulanga mu sencali yalenga twente bwino bwino fye ifintu fimo fine ifyalangilwe kuli ifwe mu Mbilansuma... Lesa alitandalila abantu Bakwe, pantu kasesema umukalamba naima pakati kesu.” Dr. T.L. Osborn, kasabankanya wa Pentecosti kabili kalemba.

“Intanshi ya kupepela umulwele, wene alelondolola mukulungika fyonse pa bulwele bwa muntu, elyo kabili fyonse mu bumi bwabo - umusumba wabo, imilimo yabo, ificitwa - nangu fye kunuma mu bwaice bwabo. Branham tabalile nelyo limo ukupanga icilubo ku cebo ca kwishiba mu myaka yonse intu Nali pamo nankwe. Ico cilekuma, kuli ine, miku amakana na makana.” Ern Baxter, kasabankanya, kangalila wa Branham Campaigns pa myaka cine lubali, kabili umo pa ntungulushi shantanshi isha British New Church Movement.

Takwatala akuba ukutula munshita Shikulu Yesu Kristu aendele pe sonde umuntu uku tensha isonde munshila iyashika. Ukutula ku ntendekelo yafye mu kayanda ka mbao aka muputule umo mu mpili sha Kentucky, ukufika ku Amarillo Texas uko Shikulu amusendele Ku mwakwe, ubumi bwakwe lyonse bwale konkwa nefyapulamo ifyalecitika. Ku kutungululwa na Malaika wakwa Shikulu mu 1946, ubupyungishi bwakwa Munyina Branham bwa ambwishe umulilo uwa tendeke inshita ya kupuputulwa kukalamba ukwa bundapishi ukwa cilingenye America no kushinguluka isonde. Ukufika na lelo, alisuminishiwa ku bena Kristu

bakalemba we lyashi nga “shifwe” kabili “itungulushi” yakupuputulwa kwa bundapishi bwa muli ba 1950 ubwa alwile Ulukuta lwa Pentecosti kabili no kwimya ibumba lya Kalismatiki, ilyo lelo lile ongola pepi cila cilonganino caba Protestanti. Nalyo line, mu cine, ifilonganino fila susha ukufundisha kwakwe no kukana ukutumwa kwakwe.

Konse kuntu aleya, Lesa aleshininkisha ukuti Munyina Branham ni kasesema kuli ino nkulo. Nga Yobo, Shikulu asosele nankwe muli kankungwe. Nga Mose, Impinda ya Mulilo yali moneke ukula mutungulula. Nga Mikaya, alisulilwe kuli ba shimapepo. Nga Eliya, ali mwaume wa mu matololo. Nga Yeremia, alashikwe kuli Malaika. Nga Daniele, alemone fimonwa pa fya kuntanshi. Nga Shikulu Yesu, aleishiba inkama sha mu mutima. Kabili nga Paulo, aleundapa abalwele.

Shikulu nakabili alitandalila abantu Bakwe ukupitila muli kasesema. Mu nshita sha mfimfi nganshi mu lyashi lya kale, umo imibele yabwelela nganshi panshi icishatala acimonwa kabili ne fyanso fya bonaushi bukalamba fili pa nembe nembe ye sonde, umuntu uwaicefya atuminwe ukufuma ku cinso cakwa Lesa ku kwita umutundu wa muntu ku kulapila.

Uwatemwikwa umusambi Yohane alembele pa lwakwa Shikulu Yesu:

Lelo kuli nafimbi ifingi ifyo Yesu acitile, ifyo, afilembwa cimo cimo, Ndetila na pano isonde pene nga tapengaba na ncende ku mabuuku ayengalembwa. Ameni. (Yohane 21:25)

Cimo cine kuti ca soswa pa bumi bwakwa Munyina Branham. Kuli ukucila pali 1,200 imbila isha ambulwa pa tepu pamo na makana na makana ye lyashi palwa bumi bwa uyu mwaume impalume. Lelo tucili tule twalilila ukumfwa ubunte bupya ubwa wene ukukumya imyeo ya mintapendwa ya bantu. Aka katabo teti keshe nokwikata pa bwingi bwa maka yantu uyu mwaume wakwa Lesa akwete pe sonde.

U KUTENDEKA

“Lintu nafyelwe mukayanda kambao akanono ka Kentucky kulya, Malaika wakwa Shikulu aingile pe windo no kwiminina palya. Pali Impinda ya Mulilo.”

Amacha elyo yaletampa fye ukupula mu mfimfi ya mu lwelele lwa Shinde wa talala. Limo fye, i windo lya mbao lyali naliisuka ku kuleka ulubuuto lwa lucelo ukusanika mu kayanda ka mbao aka muputule umo. Ka robini akoni akaiminine lubali lwe windo kalemoneka akansansa ishaibela ulu lucelo elyo kaleimba ne shiwi lyasansuka nganshi. Mukati ka kayanda ka mbao, umulumendo Charles Branham aingishe amaboko yakwe muli ofoloshi wakwe umupya no kulolesha pa mukashi wakwe uwa myaka 15. “Tukamwinika ishina William,” wishi atile.

Ukupula pe windo kwaishile u Lubuuto ulwapulamo. U Lubuuto lwaendele mu muputule no kwiminina pa mulu wa busanshi apo akanya elyo fye kafyelwe. Ulu lwali Lubuuto lumolwine ulwafumishe abana baci Hebere mu Egupti. Lwali e Lubuuto lumo lwine ulwa kumenye Paulo mu lwendo lwakwe ukuya ku Damaseke. Kabili Elyo aali no kutwalilila ukutungulula aka kanya ku kwita Nabwanga wakwa Kristu ukufuma mwi sonde. Lulya Lubuuto te cimbi kano Malaika wakwa Shikulu, Impinda ya Mulilo; elyo Yali monekele umuku na umbi ku muntu.

Kabili umo, muli aka kayanda ka mbao kanono, ubo bushiku ulucelo pabwalenga 6 muli Shinde, nacimbusa aiswile i windo pakuti u lubuuto lunga buushamo ku kuleka Mayo na Tata bamone ifyo Nalemoneka. Elyo u Lubuuto nalimo ukulingana mubukulu nga pilo lwaishile lule shinguluka ukupula pe windo. Lwasingulwike pantu Nali, no kwiika pa busanshi. Abengi abantu ba mu mpili bali nabeminina palya. Bale lila.



Incende yafyalilweko William Branham, Burkesville, KY.

Iyi n'ganda ibusu yali mu mpili sha ku kapinda ka ku kulyo kwa Kentucky, mupepi ne tauni linono ilya Burkesville. Ubu bushiku bwali ni pa 6 muli Shinde, 1909. Umwana ewali wakubalilapo pa bana ikumi abaali no kufyalwa kuli Charles na Ella Branham.

Tapapitile nshita lintu Malaika wakwa Shikulu atandalile umulumendo William Branham na kabili.

Lintu ali umwaice, Malaika asosele kuli wene pakubala, ukuti wene mu bumi bwakwe akekala pepi no musumba uwitwa New Albany. Aingile mu ng'anda no kweba nyina ica citike. Nga nacifyashi onse, ta tontonkenyepo sana pa lyashi kabili amubikile mu busanshi ku kumutalalika ku mwenso wa bwaice. Panuma ya myaka ibili, ulupwa lwakwe lwakukiile ku Jeffersonville Indiana, ba mailoshi fye abanono ukufuma ku umusumba waku kapinda ka kulyo ka Indiana uwa New Albany.

Malaika na kabili asosele kuli kasesema mwaice imyaka inono yakonkelepo. Cali ni mubushiku bwa Lusuba lunono ninshi ne myengelele ya kasuba ilepula mu mabula ye langi lya lekanalekana aya mu lusuba lunono. Uyu mulumendo alesunta ilyo ali nasenda imbeketi shibili isha menshi mu kashila. Umuseba wali naukakililwa pesamba lya cikondo

cakwe ica cenekwe ku kucitalusha kwiloba. Aikeleko ku kutusha mwisamba lya muti utali uwitwa poplar. Ifilamba fyale longoloka mu menso yakwe lintu alelila pe shamo lyamuponene: Abanankwe baleipakisha pa cishiba ca kulobamo ica pa ncende, elyo wene naikatwa ku kutapila wishi amenshi. Apo pene, umwela watampile uku puupa mu cimuti pa mulu wakwe. Akumwine ifilamba no kwiminina pa nkasa shakwe. Aumfwile ukulila kwa mabula yalepuupwa no mwela...lelo takwali mwela. Aloleshe pa mulu, kabili pakati ka muti wa poplar na pamulu, icintu cimo caleensha amabula ya uma.

Apopene i Shiwi lya sosele, “Wilanwa nangu ku peepa nangu kukowesha umubili obe munshila nelyo imo, kukaba umulimo kuli iwe ukucita ilyo ukakulako.” No mwenso umulumendo wa myaka cine lubali aponeshe imbeketi shakwe no kubutukila kuli nyina.

Nga kasesema Samuele, Lesa na kabili asosele ku mwaice.

Imilungu inono panuma, aleangasha utubwebwe no mwaice wakwe. Imyumfwile iyeni yamufumbete. Aloleshe kunse ku Mumana wa Ohio no kumona ubulalo ubwa yemba. Abantu ikumi na mutanda baponene no kufwa lintu ubulalo bwacilingenye umumana. Kasesema munono alimwene icimonwa cakwe ica kubalilapo. Aebele nyina, nao alebele ilyashi lyakwe. Imyaka panuma, abaume 16 baponene no kufwa lintu ubulalo bwa Second Street mu Louisville, Kentucky bwale kuulwa pa Mumana wa Ohio.

Shikulu ale mulanga ifimonwa fya kuntanshi. Kabili nga bakasesema bamutangilile, ifimonwa tafyabalile afifilwa.

IMYAKA YAKU BWAICE

Monse mu bumi bwakwe, Munyina Branham alekabila ukuba mu matololo. Pa myaka 18, ashile Indiana ukuya ku mpili shakankala isha ku masamba. Ubwikashi bwakwe mu Arizona tabwakokwele ilyo mukupatikishiwa abwelulwike.

Ubushiku bumo Nasalile Ine ninsanga inshila yaku fumishapo bulya bwiite. Nali no kuya ku masamba ku kubomba pa famu. Mune, Lesa mukalamba kunse kulya nga ifyo Aba muncende iili yonse. Shi mwinga nonkelamo mu fyakupitamo fyandi. Lintu Wene akwita, Mwasuke.

Ulucelo lumo mu Lusuba lunono mu mwaka 1927, Naebele ba mayo Nali pa lwendo lwa nkambi ku Tunnel Mill, apali ba mailoshi ikumi na yane ukutula ku Jeffersonville kuntu twaleikala pali ilya nshita. Ine nali libela nimpékanya ulwendo lwaku Arizona pamo na banandi. Lintu Bamayo ba umfwile kuli ine na kabili, Nshali ku Tunnel Mill lelo ku Phoenix, Arizona, ukubutuka kuli Lesa wa Kutemwa. Ubwikashi bwa pe famu bwali ubusuma pa kashita, lelo bwalifuukile, cimo ngo kuipakisha konse ukwa pe sonde. Lelo lekeni Nsose apa, Alumbanishiwe Lesa, ukuti ukukumana na Yesu kula waminako no ku waminako inshita yonse kabili takufuuka. Yesu alapela umutende wapwililika no kutalaliko mutima lyonse.

Ilingi line Nalyumfwa umwela ukukuukila mu milemu yalepa. Calemoneka kwati kuti Naumfwa Ishiwi Lyakwe ukwita kunse mu mutengo, ukutila, "Adamu, ulikwi?" Intanda shalemoneka kwati shali mupepi nganshi icakuti kuti wa shikata na maboko yobe. Lesa alemoneka ukuba mupepi nganshi.

lcintu cimo palwa cilya calo misebo mu ciswebebe. Ngacakuti watala ukufuma mu musebo, iwe kuluba bwangu bwangu. Ilingiline abatandashi balamona utumaluba twa mu ciswebebe no kufuma mu musebo ukalamba ku kuyatusaba. Baendauka mu ciswebebe no kuluba kabili limolimo no kufwa ku cilaka. Efyo caba na munshila ya

bwina Kristu - Lesa alikwata umusebo u ukalamba. Wene alisosapo muli Esaya, icipandwa calenga 35. Yena itwa "Inshila ya Mushilo." Inshita ishingiki utwa kuipakisha utunono utwe sonde tula mufumya mu nshila nkalamba. Lyene imwe mwalufya uku kumanya kwenu na Lesa. Mu ciswebebe lantu mwaluba, limo limo kulamoneka imyengelele. Ku bantu abalefwa ku cilaka, imyengelele ikaba umumana nangu bamba. Inshita ishingiki abantu bala butukilako no kuwilamo ukwisasangafye ukuti balesamba pa musensenga wakaba. Inshita shimo ciwa amulanga icintu cimo ico atila ninshita isuma. Iyo myengelelelye, cintu cimo icishili icituntulu. Nga cakuti mwakutikako mukasango kuti namitulikila amalanda pa mutwe wenu. Wila umfwa kuli ena, we mutemwikwa kabelenga. Tetekeleni Yesu u umipela amenshi ya mweo kuli abo aba nsala ne cilaka.

Ubushiku bumo Napokelele kalata ukufuma ku mwesu ukunjeba ukuti umo pali ba munyanane alilwele nganshi. Ali ni Edward, uwa nkonkelepo. Nakuba Ine nsha citontonkenye ukuba ubwafya nganshi, eico naceteketele ukuti ali nokuba bwino. Lelo icungulo cimo inshiku shinono ishakonkelepo ilyo Nalefuma ku musumba ilyo Na pitile mu cinyumbanyumba ca kulilamo pa famu, Namwene a kapepala pe tebulo. Nakemishe. Ka leti, "Bill, isa ukwakuliishisha ku kapinda ka ku kuso. Cikankala nganshi." Panuma ya Ine ukubelenga akakalata umunandi Naine twa fumiine ukwakuliishisha. Umuntu wa kubalilapo Nakumenye ali mukalamba kasunga wa nama wa Lone Star uwalebomba pe famu. Ishina lyakwe lyali ni Durfy, lelo twalemwita "Pop." Ali ne cinso ca bulanda lantu atiile, "Billy mulumendo, Ninkukwatila ilyasi lyabulanda." Pali iyo nshita folomani aishilepo. Bene banjebele ukuti ulya telekalamu elyo afikile, ukunjeba imfwa yakwa munyanane. Mwe batemwikwa, pakashita Nafililwe ukwenda. Yali e mfwa ya kubalilapo mu lupwa lwesu. Lelo Ndefwaya ukusosa ukuti icintu ca kubalilapo Natontonkenyepo cali ngacakuti wene ali uwaiteyanya ukufwa. Lantu Napilibwike ukulolesha mwi lungu lya cani ca mutuntula, ifilamba fyakonkolokele pa masaya yandi. Ifyo Naibukishe ifyo

twale lwishisha pamo lintu twali tukalume kabili ifyo cali icakosa kuli ifwe.

Twaleya kusukulu ukwabula icakulya calinga. Ifikondo fyalepula mu nsapato shesu kabili twalefwala amakoti yakale ayale fungilwa pa mukoshi pantu tatwalefwala mashati. Ifyo Naibukishe nakabili ubushiku bumo Bamayo balikwete inyanje sha kupuusha mu kabeketi isha cakulya ca kasuba. Tatwaleliila pamo na bana abashala. Tatwalekwata icakulya nga fintu bene balekwata. Lyonse twalefyukila bushilya bwa kapili elyo twalya. Ine ndeibukisha ubushiku twakwete inyanje sha kupuusha, ifwe twatontonkenye kwali kuipakisha kwine kwine. Eico ukushininkisha ukuti Nkwate icakaniko candi pali shene, Nafumine akasuba takalati kafike pakati no kuyatipulamo ulupi sululu lintu munyinane talabula ulubali lwakwe.

Lyene ukwiminina palya ukulolesha pe lungu lya ocewe ku kasuba. Natontonkenye pali ifyo fyonse no kutontonkanya ngacakuti Lesa ali mutwele ku ncende iisuma. Lyene nakabili Lesa anjitile, lelo nga lyonse, Naeseshe ukucilwisha.

Naiteyenye ukubwela ku mwesu ku cililo. Iintu Rev. McKinny uwaku Port Fulton Church, umwaume uwabafye nga tata kuli ine, ashimikile pacililo cakwe alumbwile ukuti, "Kuti kwaba bamo pano abashaishiba Lesa, nga cakuti nifyo, Mupokeleleni nomba." Oo ifyo Naikatishe icipuna candi, Lesa alebombelapo nakabili. Kabelenga watemwikwa, lintu Wene aita, Mwasuke.

Nshakabale ndaba ifyo balya babusu abakote Tata na Mayo balilile panuma ya cililo. Ine nalefwaya ukubwelela ku Masamba lelo Mayo ampapatiile nganshi ukwikala icakuti pakulekelesha Nasumiine ukwikala ngacakuti kuti nasanga incito. Bwangu bwangu nakwete incito naba Public Service Company ya Indiana.

Pepi ne myaka ibili iyakonkelepo ilyo twale pima ba mita mwi tuka pa Gas Works mu New Albany, Nalikelelwe kuli gasi kabili pa milungu Naliculile nayo. Naliile kuli ba shing'anga bonse bantu Naishibe. Nshakwete ukupemwina. Naculile mu mala, ku mulandu wabwafya

bwa gasi. Calebipilakofye inshita yonse. Natwelwe ku ncheshi mu Louisville, Kentucky. Bene pakulekelesha batiile cali ni nsonta ya bula bwandi no kutila Nalefwaikwa uku mombela. Ine nshacicetekele pantu Nshabalile ng'umfwa ubukali ku lubali lwandu. Ba shing'anga batile teti bancitile cimbi ukucilapo mpaka Nkabombelwe. Pakulekelesha Nalisumiine ukuti cicitwe lelo nakonkomeshe ukuti bakabomfye umuti wa kutalalikila pa ncende balebombela pakuti Nkalemona ukubombela.



Oo, Ine nalefwaya umo ukwiminina lubali naine uwaishibe Lesa. Nalicetekele mwiwepo lelo nalefilwo kupepa. Eico kapungu ukufuma ku First Baptist Church aile naine ku muputule wa kubombela.

Ilyo bamfumishe pe tebulo ukuntwala ku busanshi bwandi, Nayumfwile ukwamba ukunaka no kunakilako inshita yonse. Umutima wandi tawaleumfwika

ne mituntile. Naumfwile imfwa pali ine. Nalepwilila ukupema inshita yonse. Nalishibe ukuti Nimfika ku mpela ya nshila yandi. Oo munyina lolola mpaka ukafike apo umuku umo, lyene uka tontonkanya pa fintu ifingi wacita. Nalishibe Nshabalile mpeepapo, ukunwa nangu kukwata imisango iyakowela lelo Nalishibe Nshali uwaiteyanya uku kumanya Lesa wandi.

Cibusa wandi ngacakuti ulifye cikulu membala watalalila uwa mu lukuta, ukeshiba lintu ukafika ku mpela ukuti tauli uwa iteyanya. Eico ngacakuti eifyo finefyu waishiba pali Lesa wandi, Ndekulomba ililine ukuwa pa makufi yobe no kulomba Yesu uku kupela kulya kukumana nako ukwa kufyalwa cipya cipya, ngafintu Wene aebele Nikodemu mu Yohane icipandwa 3, kabili oo ifyo inyenjele sha nsansa shikalila. Lilumbanishiwe Ishina Lyakwe.

Kwatampile ukufiita mu muputule wa cipatala, kwati nalimo ni mu mushitu ukalamba. Naleumfwa umwela uku kukila mu mabula, lelo calemoneka ukutali sana mu mpanga. Imwe limbi mwalumfwa amaka ya mwela ukupupila mu mabula, ukwisa pepi na pepi kuli imwe. Ine natontonkenye, "Cisuma, iyi nimfwa ileisa mu kumenda." Oo! umweo wandi wali no kukumanya Lesa, Naeseshe ukupepa lelo nafililwe.

Umwela waleisa ulepalama, iciunda ukukulilako kabili ukukulilako. Amabula yalila elyo apopenefye, Naliile.

Camoneke ilyo ukuti Nalibwelele nakabili ku kalumendo akanono akabule nsapato, ukwiminina mulya mwi lungu pesamba lya cimuti cimo cine. Naumfwile lilye Shiwi limo line ilyatile, "Wilanwa nelyo kupepa." Kabili na mabula Naumfwile yali yamoyene ayale puupa muli ulya muti bulya bushiku.

Lelo uyu muku lshiwi lyatile, "Nalikwitile lelo iwe tawaile." Cabwekeshepo umuku walenga butatu.

Elyo Natile, "Shikulu, nga cakuti uyo ni Mwebo, lekeni mbwelelele nakabili pe sonde kabili Nkashimikila Imbila nsuma Yenu pa mitenge ya mayanda na mu fifutu fya misebo. Nkeba umuntu onse pali yene!"

Lintu ici cimonwa capitile, Nasangile ukuti Naumfwile bwino ifishingacilapo. Uwaku mombelapo wandi ali acili mucikulwa. Aishile no kundolesha kabili alisungwike. Alemoneka ngo watontonkenye ukuti Ndefwa, elyo atile, "Ine nshili muntu kapepa, umulimo wandi ukalamba nganshi, lelo Ninjishiba Lesa natandalila uyu mulumendo." Umulandu asoseele ico, Ine nshishibe. Takuli nelyo umo uwasosapo icintu nelyo cimo pali cene. Ngacakuti Nalishibe ilyo fintu Naishiba nomba, Nganaliimine ukufuma mu busanshi bulya ndepunda Amalumbo kwi Shina Lyakwe.

Panuma ya nshiku shinono Nalisuminishiwe ukubwelele ku mwesu lelo ncili Nali umulwele kabili canengele ukulafwala amakalashi mumenso ku mulandu wa lubuuto lwa mfulungenye imiloleseshe. Umutwe wandi walesunkana ilyo Nalololesha pa cintu pa kashita.

Naimine ukuya mukufwaya no kusanga lesa. Naile ku lukuta no lukuta, ukwasha ukusanga incende imo uko ukwali imiitile yaku cintamba iyakale. I ca bulanda cakuti Nshasangile nelyo imo.

Ine natile nga cakuti Ningaba umwina Kristu, Mfwile ukuba icine cine umo. Kapungu uwa ng'umfwile ukusosefyo, atile, "Nomba Billy mulumendo, iwe uleingila mu kifulungana." Ine natile ukuti ngacakuti Nakwete imipepele, Nalefwaya ukucumfwa ilyo yaisa, cimofye ngefyo abasambi bacitile.

Oo lilumbanishiwe Ishina Lyakwe. Nakwete imipepele panuma kabili Ncili nali ikwata, kabili ku bwafwilisho Bwakwe, Nkasunga yene Lyonse.

Ubushiku bumo Naumfwile nsala nganshi no kukumanya kwine kwine ukwa kwa lesa icakuti Nafumiine kunse ku butala bwakale ku numa ya ng'anda no kwasha ukupepa. Nshaishibe ifya kupepa kanshi eico Ine natampilefye ukulanda kuli Wene ngafintu Ningalanda ku muntu uuli onse. Apopenefye kwaishile u Lubuuto mu butala no kupanga umusalaba ne Shiwi ukufuma mu musalaba lyasosele kuli ine mu lulimi Nafililwe ukumfwa. Lwene lyene lwaile. Ca mpesesho amano. Ilyo amano yaishilemo nakabili Napepele, "Shikulu nga cakuti uyo ni Mwe, napapata iseni mulande naine nakabili." Nale soma Baibele ukutula apo Nabwelele ku mwesu ukufuma ku cipatala kabili Nali somene muli 1 Yohane 4, "Mwe batemwikwa, mwicetekela yonse imipashi, lelo yesheni nga cakuti yakwa lesa."

Naliishibe ukuti umupashi na umonekela kuli ine kabili lintu Nale pepa wali monekele nakabili. Lyene caumfwike kuli ine ukuti ukufina ukufika pa mapaunshi ikana kwafumishiwe pa mweo wandi. Na tolweke no kubutukila ku ng'anda elyo calemoneka kwati Nalebutukila pa mwela.

Mayo anjipwishe, "Billy, cinshi cacitika kuli iwe?" Na aswike, "Ine nshishibe lelo icine cine Ndeumfwa bwino kabili uwa angukilwa." Nshaikele mu ng'anda ukutwalilila. Nalefwaikwa ukufuma no kubutuka.

Nalishibe lyene ukuti ngacakuti lesa alefwaya ine ukushimikila, Wene ali no ku ng'undapa. Eico Naile ku lukuta ulwa cetekele mu kusuba kwa mafuta kabili Nalyundepwe ilyo line. Namwene lyene ukuti abasambi bakwete icintu cimo cintu abengi bakapyunga tabakwata ilelo. Abasambi balibatishiwe na Mupashi wa Mushilo kabili eico bale undapa abalwele no kucite fisungusho ifikalamba mwi Shina Lyakwe. Eico Natampile ukupepela pali Mupashi wa Mushilo kabili naupokelele.

Ubushiku bumo nalimo panuma ya myeshi mutanda, lesa ampele ukukabila kwa mutima wandi. Alandile naine mu lubuuto ulukalamba, ukunjeba ukuya mu kushimikila no kupepelela abalwele nokuti Wene akabondapa cibe bulwelenshi bakwete. Natampile ukushimikila no kucita fintu Wene anjebele ukucita. Oo mune, Ine teti nkwebe fyonse ifya citika: Amenso ya pofula ukwisuka. I filema fyalayenda. Ba kansa balyundapwa, ne fisungusho fya misango na misango fyalicitika.



Ubushiku bumo pa mpela ya Spring Street, Jeffersonville, Indiana, panuma ya kupuputuka kwa milungu ibili, nalebatisha abantu 130. Cali bushiku bwakaba ubwa Kasakantobo kabili kwali nalimo 3,000 abantu balipo. Nali mupepi no kubatisha umuntu walenga 17 ilyo apopenefye Naumfwile lilya ilice, Ishiwi ilinono nakabili

elʏo lyatile, "Lolesha ku mulu." Ulwelele lwali kwati mukuba pali bulʏa bushiku bwakaba ubwa Kasakantobo. Tatwakwete imfula nalimo pa milungu itatu. Naumfwile lshwi nakabili, elʏo na kabili umuku walenga butatu lyatile "Lolesha ku mulu."

Naloleshe ku mulu kabili kwaishile ukufuma mu lwelele ulutanda ulukulu ulwabeka, luntu Namwene imiku iingi intanshi lelo ico Nshamwebelepo. Inshita ishingi Nalyeba abantu pali lwene ukumonekela nabo kuti basekafʏe no kutila, "Bill, ulaelenganʏafʏe fʏo. Nalimo limbi walelota." Lelo alumbanishiwe Lesa, uʏu muku Wene ali ilangile Umwinewine ukumoneka kuli bonse, pantu capalamishe kuli ine Nafililwe nangu ukusosa. Panuma ʏa basekondi banono ukupita Na pundile kabili abantu abengi baloleshe ku mulu no kumona ulutanda pamulu wandifʏe. Bambi bafwiile icipuupu ilʏo bambi balepunda na bambi babutwikopo. Lyene elʏo ulutanda lwabwekelemo mu lwelele kabili incende intu lwafuminepo ʏali nalimo ba fiti ukushinguluka kabili iʏi ncende ʏatwalilile ukwenda no kushinguluka nangu kwati mabimbi ʏaletuuta. Pa pangilwe pali iʏi ncende akalikumbi akanono no lutanda lwapokelelwe muli aka kalikumbi kanono.

Nga Yohane Kabatisha, kasesema alishininkishiwe mu menshi ya Kubatishishamo.

I fimonwa fyatwalilile. Wene aebelwe kuli ba shimapepo banankwe ukuti ifimonwa fyakwe tafyali fya kufuma kuli Lesa. Wene aebelwe ukuti aliwililwe no mupashi ubi. Ici calemucusha nganshi. Icisendo caishileba icacilamo ukushipikisha, eico aile mu matololo ku kusanga Ubufwayo bwakwa Lesa. Ali uwaipelesha icakuti alapile uku kana bwela ukwabula ubwasuko. Cali kulya, mu kamutanda kambao akakulungilamo, uko Malaika wakwa Shikulu amupele ukulashikwa kwakwe. Pamo na fimbi, Malaika amwebele ifi: "Ngacakuti walenga abantu uku kucetekela,

nokuba uwa cishinka ilyo ulepepa, tapali nelyo cimo icikeminina ku ntanshi ya mapepo yobe, nangu fye ni kansa.”

Ukutwishika konse kwaliile. Wene nombali no kulashikwa kabili mukupama aile pa ntanshi. Ukupuputulwa kwa bundapishi kwatampile.

Imyanda ya makana balesangwa ku misonkano ya Branham. Amakana baleundapwa mwi Shina lyakwa Shikulu Yesu Kristu. Bambi bakasabankanya abali nga Oral Roberts, T.L. Osborn, na A.A. Allen mukwangufyanya bakonkele Munyina Branham no kutampa ukupuputulwa kwabo ukwa bundapishi. Shikulu aloseeshe panshi amapalo Yakwe aya shatalile ayaba intanshi. Ukuboko kwa bundapishi ukwa kwa Yesu Kristu nakabili kwali kumishe abantu Bakwe.

“Ilingi line ndalila ku nsansa pa bupe ubwa nombali ubwakwa Lesa ku lukuta ulwakwa munyina watemwikwa, William Branham, pamo no bwakupapusha ubupe bwa bundapishi. Uyu mulimo wakwa Lesa ukubomba ukupulamo mu bwingi ukucila pali fyonse ifyo twinga lombali no kutontonkanya (Abena Efese 3:20), pakuti Nshatala mona nangu kubelenga pa cili conse icingalinga ku bupyungishi bwa bundapishi ubwakwa William Branham.”

Rev. F.F. Bosworth, kashimikila waishibikwa mwi sonde kabili umo pa batampile icilonganino ca Assemblies Of God pamo ne bumba lipya ilya Pentecostal.

“Apantu pamo, twalemona ilyo alelanda ku mwaume waleele pa busanshi. Pakubala takwali icishibilo cakwasuka kwa mano ukufuma ku mwaume. Ubulondoloshi elyo bwaishile ukufuma ku mukashi uwaiminine pa mbali, ukuti uyu mwaume talefwafye kuli kansa, lelo ali cibuuulu kabili tekuti omfwe ifyalesoswa.

Munyina Branham elyo asosele ukuti cili icalinga ku mwaume uku pokelela ukumfwa kwakwe pakuti enga mulangilila palwa kundapwa kwa kansa yakwe. Kwali

inshita ye pepo. Apo penefye umwaume atampile ukumfwa! Ifilamba ifingi ifikalamba fyatentemwike pa masaya ya ulya mwaume uwo icinso cakwe icungulo conse cali fye tondolo kabili ukwabula ukusakanya. Wene alekutikisha lintu ale ebwa palwa kulubulwa kwakwe kuli kansa.”

Rev. Gordon Lindsay, kalemba walunduluka, kapyunga, kabili katampa wa Christ For All Nations Institute.

“Munyina Branham atile, ‘Uyu Congresmani na undapwa,’ Umutima wandi waimine. Natampwilileko no kupokelela Shikulu nga Kondapa wandi. Nalalike lubali inkonto shakwendelako...kabili isamba lya Muulu lya ikile!”

William D. Upshaw, US Congressman (1919-1927), uwaiminine mu kusala kwabu Kateka bwa US mu 1932. Alemene ukutula ilyo ukupona kwa kontwele umusana wakwe ku bwaice. Wene ali 84 ilintu aundepwe ukupwililika kwi pepo lyakwa Munyina Branham, panuma yakuba icilema pa myaka 66. Tatalile akabila icipuna ca mipeto nangu ni nkonto shakwendelako mu bumi bwakwe ubwakonkelepo.

“Nali mu busanshi pa myaka cine konse konse ne myeshi pabula kuli T.B. kabili ba shing’anga balimfililwe. Nshafikile naku ma paundi 50 kabili calemoneka kwati isubilo lyonse lyali pwile. Lyene ukufuma ku Jeffersonville, Indiana, kwaishile Rev. WM branham mu cimonwa umu amwene umwana wa mpanga uwaiketwe mu matololo kabili alepunda ‘Milltown,’ ukuli eko Njikala. Munyina Branham tabalile esa kuno nangu kwishiba umu uwakuno. Ukwingila, wene abikile indupi shakwe pali ine no kupepa, ukwitila pali ine i Shina lya watemwikwa wesu Shikulu Yesu. Icintu cimo cali kwati camfumbata kabili apopene Naliimine ndetotela Lesa ku maka Yakwe aya kundapa. Ine nine nombamba kalisha wa cinanda mu lukuta lwa Baptisti kuno.”

Georgia Carter, Milltown Indiana, aundepwe ku Cifuba ca T.B. ica mutatakuya mu 1940 kabili tabala alwala kuli ubo bulwele ubushiku na bumbi mu bumi bwakwe. Wene aleiminako amakumi ya makana aya bantu aba undapwa ukupitila mu bupyungishi bwakwe elyo nakuba bacili bale undapwa ilelo.

IMPINDA YA MULILO

Munyina Branham ilingi line ala londolola i Mpinda ya Mulilo iya shininkishe ubupyungishi bwakwe. Epo yali pa kufyalwa kwakwe, yalimwenwe ku makana pa citundu ca Ohio River, kabili yalemukonka konse kuntu aleya. Cali mu 1950 ilyo Shikulu apele bonse babili abacetekela na bashacetekela pamo icishininkisho cishingafilwa ukuti iyi Mpinda ya Mulilo yali na kasesema.



Ubushiku bwa obelwe mu kutalika na pa Sam Houston Coliseum. Munyina Branham aletungulula ukupuputuka kwa bundapishi ukwale pita mu calo. Amapalo yakwa Shikulu Yesu yalepongoloka kwati ni mfula pa mabala ya mupashi aya ng'ano. Lelo ifikalamba ifishibilo ne fisungusho tafyaishile ukwabula ukusuusha. Nga lyonse, umulwani aimishe kapakasa. Aya maka yabili yakumene mu

Houston Texas, kabili Malaika wakwa Shikulu Umwine wine aikile ku kwisa lwa ubulwi.

Amakana epo bali kale ku kubelo bunte imintapendwa ya fisungusho ifya konkele uyu mwaume wakwa Lesa. Ubushiku bwafumineko, ibumba lyaba kashimikila ba pa ncende bamwitile ku kubikana ifikansa pa bundapishi bwa Bulesa, lelo uko kwita kwawiliile umunankwe wa cishinka uwakale, Reverend F.F. Bosworth. Abengi bakatwishika baimininweko na kapyunga wapa ncende uwa Baptisti kabili kalandikisha wa kusuusha ubundapishi bwa Bulesa. Uku kubikana kwa fikansa kwasokolwelwe ku mapepala ye lyashi, ayo mukwangufyanya yalembele imitwe ye lyashi, *"A Masako Ya Masambililo Ya Bulesa Yalepupuka pa 7 p.m. Lelo Mu Sam Houston Coliseum."*

Ba katwishika balemebele inceshi yaba kakopa, Ted Kipperman uwa ku Douglas Studios, ku kulemba ilyashi lya kubikana kwafikansa. Cilya cungulo, ifikope fyalicitilwe lintu Munyina Bosworth aiminine bwino bwino lelo katwishika aiminine mataki mataki; inshita imo no munwe wakwe nashimpa pa cinso ca mwaume umukote waicefya.

Ilyo ukubikana kwa fikansa kwatampile, Reverend Bosworth bwangu bwangu ashininkishe buciine bwa bundapishi bwa Bulesa ku bunte bwa Malembo elyo lyene, uku kanasha ilipusho, alombele abo bonse abaundepwe ku malwele ukwiminina. Amakana baiminine. Panuma ya abo abaundepwe ukwikala pa fipuna fyabo, wene alombele nga cakuti abo bonse abaundepwe ukupitila mu bundapishi bwa Bulesa abali bamembala no kwiminina kusuma ku cilonganino cakwa uyu mwaume kuti baiminina. Ba membala imyanda itatu baiminine ukulanga cilumba cilumba uluse luntu Shikulu Yesu alangile kuli bene.

Elyo ukupinka kwafumine kuli katwishika. “Leka uyo kondapa wa Bulesa afume. Leka ese acite.” Munyina Bosworth alilondolwele apabuta ukuti Yesu e Kondapa wa Bulesa fye eka, lelo ukulandalanda ukufuma kuli katwishika kwatwalilile. Pakulekelesha, Munyina Bosworth aitile Munyina Branham ku cintamba. Wene asumine ubwiite pakati ka kupunda kwa kutungilila.

Kasesema, ukwisushiwamo na Mupashi wa Mushilo, apele ubwasuko bukonkelepo:

Ine tekuti ng'undape nelyo umo. Ici Ine nasosa. Ilintu Nali akanya akafyelwe kulya mu State of Kentucky, ukulingana na mayo wandi watemwikwa, kabili ica shininkishiwa monse mu bumi bwandi, kwali u Lubuuto ulwaishile mu muputule wa kalya kabusanshi kakale, apo kaali, tamwali sementi, takakwete nangufye li windo, bakwetefye icintu cimo icakale icali nge windo mulya, kwati kacibi akanono, kabili bali kasunkile ukwisuka cali nalimo faifi koloko mu lucelo, kabili ulu Lubuuto lwashingulukilemo ilyofye kwaletampa ukuca. Ukufuma



ilya nshita, lwaba naine. Ni Malaika wakwa Lesa. Wene ankumenye mu buntunse imyaka inono yapitapo. Monse mu bumi bwandi, Wene alinjeba ifintu ifyo ifya citika, Naine nali filondolola umo fye Anjebele. Nomba Ndeita uuli onse pa ncende iili yonse, ukuya ku musumba kuntu Nakuliile, nangu ukuntu kumbi ukwashala, uko amashiwi yabala ayasoswa mwi Shina lyakwa Shikulu, lelo ayaishaishile mu nshila yasoselwe ukuba.

Panuma yakusosa wene ayo mashiwi, Mupashi wa Mushilo awile pa cintamba, kabili na kakopa wasungwike akopele icikope. Munyina Branham afumine pa cintamba uwaicefya, lelo ishiwi lya busesemo: *“Lesa akapelo bunte. Ine nshasose nafimbi.”*

Umubomfi munankwe wakwa Mr. Kipperman bwangu bwangu aile pa mulimo wa kusamfya ifikope ku lyashi lya lucelo lwalekonkopo. Wene amwene icintu cimo icaibela lintu afumishe icikope cakubalilapo mu muti wa kusamfishamo. Cene, pamo nge fikope fisano ifya konkelepo, tapali nelyo cimo. Aikatilile pa mutima wakwe nokuwa ubunkupeme lintu afumishe icikope cakulekelesha ukufuma mu muti wa kusamfishamo. Palya, pa cikope ca kulekelesha, pali i Mpinda ya Mulilo ukumoneka ku menso nayikala pa mutwe wakwa kasesema wakwa Lesa, William Marrion Branham.

Abana ba Israele bamwene i Mpinda ya Mulilo ukutungulula Mose, nabantu ba buno bushiku bwa nomba balimona ilya imo ine Mpinda ya Mulilo ukutungulula kasesema naumbi.

Icikope bwangu bwangu catwelwe kuli George J. Lacy, Inceshi Kapima wa Mapepala Yatwishikwa uwa U.S. F.B.I., uwashininkishe icikope ukulingana nabu fundi bwa kwishiba kwakwe. Ipepala lyansambu ilya mashiwi ilya lembelwe na Mr. Lacy lili pe buula likonkelepo.

Ili lyali kale lintu ba komputa na ba kamela ba digito tabalati kubapo, kabili tacali nakulondololwa ku nshila imbi iyaishibwa na sayanshi, ukucilafye ukuti kwali u Lubuuto ulwine pa mulu wa mutwe wakwa Munyina Branham. Ilelo cilya cikope cimo cine kuti camonwa mu United States Library Of Congress, mu musumba ukalamba uwa calo, Washington DC.

George J. Lacy
Kapima wa Mapepala ya mashiwi Yatwishikwa
Shell Building
Houston, Texas

Kabengele kanono 29, 1950

LIPOTINE TONTONKANYO

Re: Nekatifu Watwishikwe

Mu Kabengele kanono pa 28, 1950 ku kulomba kwakwa Reverend Gordon Lindsay, uwaleiminako Reverend William Branham uwa ku Jeffersonville, Indiana, Ine napokelele ukufuma ku Douglas Studios yaku 1610 Rusk Avenue muli uno musumba, filimu ya cikope iyakopwa kabili iyasukwa iya mainci 4x5. Iyi filimu casoselwe ukuti ya samfiwe na ba Douglas Studios pali Reverend William Branham pa Sam Houston Coliseum muli uno musumba, panshita ya kutandala kwakwe ku kulekelesha kwa Kabengele Kanono, 1950.

UKULOMBA

Reverend Lindsay alombele ukuti Ine mpime ukulingana na sayanshi nekatifu isoselwe intanshi. A lombele ukuti Nsange, nga cingacitwa, nga cakuti nangu iyoo mukutontonkanya kwandi nekatifu nga ali lengelwepo nangu “ukupekanishiwa” mu nshila iili yonse, lintu filimu tailapangwa, icingalenga umushilwa wa lubuuto ukumoneka pancende apali u lubingu pamulu wa mutwe wakwa Reverend Branham.

UKUPIMA

Ukupima no kucencentu ukwa makroskopiki na maikroskopiki kwalicitilwe ku mbali shonse shibili isha filimu, iyali ni Eastman Kodak Safety Film. Shonse imbali shibili isha filimu shapiminwe pe samba lya lubuuto lwitwa filtered ultra-violet light ne fikope fya infra-red fyapangilwe ukufuma kuli filimu.

Ukupima kwa maikroskopiki kwafililwe ukulanga ukulengwapo ukwa filimu pa ncede iili yonse munshila iili yonse ku iili yonse inshila ibomfiwa mu kulengwa kwa mu fakitale. Nakabili, ukupima kwa maikroskopiki kwafililwe ukulanga ukucilinganya kwa kubutuluka mukati nangu kushinguluka umushilwa wa lubuuto lwipushiwe.

Ukupima kwa ultra-violet light kwafililwe ukulanga ifintu ifili fyonse ifyeni, nangu ku mulandu wa, kulubana kwa muti kuli cila lubali ulwa nekatifu, limbi icali no kulenga umushilwa wa lubuuto, intanshi ya nekatifu uku bombelwapo.

Icikope ca infra-red naco cafililwe ukusokolola icili conse icingalanga ukuti ukulengwa kwali nakucitwa kuli filimu.

Ukupima nako kwafililwe ukulanga icintu icili conse icali no kulanga ukuti nekatifu ipushiwe yapangilwe ne mibele yalekana lekana nangu yali ni nekatifu yakopele imbali shonse shibili.

Tapali nangu cimo icasangilwe icingalanga ukuti umushilwa wa lubuuto wipushiwe epo wali pa nshita yaku bombelapo. Kabili tapali icintu nelyo cimo icasangilwe icingalanga yene ukukana bombelwapo munshila yaishibikwa kabili iyasuminishiwa. Takwali nelyo cimo icasangilwe mu kupashanya kwa myengelele ya lubuuto iisha ampene.

ITONTONKANYO

Ukulingana no bulondoloshi bwa kupima no kucenenta pamulu Ine mumano ninshininkisha ukuti nekatifu yaletelwe ku kupimwa, tayalengelwepo nangu ukuba ne mibele yalekana lekana nangu ku kopa imbali shibili.

Ukutwalilila, Ine ndeti mumano no kushininkisha ukuti umushilwa wa lubuuto umoneke pamulu wa mutwe pa ncede apali ulubingu icalengele lubuuto lwasanike pali nekatifu.

Capelwa mumucinshi,



I FYANKAMA UKUSOKOLOLWA

Ku kutendeka mu bupyungishi bwa kwa Munyina Branham cali apabuta ukuti imibele ya filonganino yakulilwe ku kutantalisha utubungwe twa mipepele, kabili te Mbila nsuma ya ciine. Munyina Branham aceteketele Baibele i Cebo pa Cebo, kabili talesuminisha icapusanako, nangu fye cibe kutamfiwa ukufuma pa babomfi banankwe, ifibusa, nangu ulupwa.

Ilyo acili membala wa Missionary Baptist Church, alyebelwe uku lashika ba kapyunga abanakashi. Nomba, wene alishibe a Malembo bwino bwino. I Timote 2:12 isosa apabuta, *“Lelo nshile suminisha mwanakashi ukusambilisha, nangu ukuteko mwaume, lelo ukuba tondolo,”* kabili I Abena Korinti 14:34 isosa, *“Abanakashi batalale mu kulongana kwa lukuta: pantu takwasuminishiwa kuli bene ukulanda...”* Ici tacali kupata abanakashi, lelo Baibele yali shininkisha mufilembo fya fita pe pepala lyabuuta pe sambililo ili. Ilyo icipope capelwe, wene akene ukusuminisha icalubana eico ashiile u lukuta.

Ayo tayali fye Malembo yeka ayalesulwa umupwilapo ku filonganino. Shikulu asokolwele i cishinka pa lubatisho kuli Munyina Branham. Kuti Yesu apela shani icebo, *“Eico kabiyeni, kalengeni aba nko shonse ukuba abasambi, mulebabatishisha mwi shina lyakwa Tata, ne lya Mwana, ne lya Mupashi wa Mushilo,”* libe ulubatisho lonse ulwalembwa mu Baibele lwali mwi Shina lyakwa Yesu? Umutumwa Petro apele cebo mu Milimo Ya Batumwa 2:38 ***ukulapila no kubatishiwa mwi Shina lyakwa Yesu Kristu.*** A Malembo yabombela pamo mu kwampana ukwapwilika, lelo casendele kasesema ukusokolola iyi nkama: “Tata” te shina, “Mwana” te

shina, kabili “Mupashi wa Mushilo” te shina. Nga ifyo fye umwaume ni tata ku bana bakwe, mwana wa bafyashi bakwe, kabili ni munyina waabo afyalwa nabo, lelo ishina lyakwe te “tata,” “mwana,” nangu “munyina.” Tata, Mwana, na Mupashi wa Mushilo malumbo kwi Shina lyakwa Yesu Kristu. Mateo 28:19 na Imilimo ya Batumwa 2:38 fyalungatene bwino bwino.

Nangu fye lubembu lwa pa kubala mwi Bala lya Edeni lwali sokolwelwe, tekuti ngo kulye cisabo, lelo cintu cimo ica bipishapo. Ni mu musangonshi ukulya icipimfya ca cisabo ilyo line kwinga sokolola kuli Adamu na Efa ukuti bali ubwamba? Cene mukwipifya tacileumfwika ica mano. Cinshi i apo likwete ica kuti no kuba ubwamba? Kasesema wakwa Lesa asokolwele bwino bwino iyi nkama.

Ni bamalaika nshi balandwapo mu Ukusokolola icipandwa 2 na 3? Amashina yabo kuti yaumfwika aya ishibikwa.

Ni bani abankama bakanina ba bakabalwe abamu Ukusokolola icipandwa 6? Bene bakwete icintu cimo icikankala icibakumine bonse.

Bushe United States yali lumbulwa mwi Buuku lya Ukusokolola?

Bushe ni bani ba 144,000 abapusushiwe mu cipandwa 7?

Ni nani cilende mukalamba uwamu cipandwa 17? Icishibilo cakwe ne nkama shonse ishi fya sokolwelwe mu Mbila ya uyu impalume kasesema uwatumwa ukufuma kuli Lesa.

Te bwingifye bwa fisungusho bwakonkele uyu mwaume, lelo ifyankama ifyafiswa mu Baibele ukupula mu nkulo nafyo fyalisokolwelwe mu bupyungishi bwakwe. Cali ishibikwe ukuti uyu kasesema afikilishe a Malembo ayengi ukucila Malaki 4.

Ukusokolola 10:7 Lelo munshiku she shiwi lyakwa malaika uwalenga cine lubali, ilyo alaswa alishemo, e lyo cikafishiwapo ica nkama ca kwa Lesa, ifyo alandile bwino bwino ku basha bakwe bakasesema.

I Shiwi lile bilisha kwi sonde ukufuma mu filonganino no ku bwelela ku Cebo cantanshi ica kwa Lesa. Cila umo muli ifwe nakwata ishuko limo line lintu Petro, Yakobo, na Yohane bakwete. Natukwata ishuko lya kupendelwa pamo nabasalwa abanono abakwa Lesa abakene uku nakila ku tubungwe twa bukapepa utwa ubo bushiku.

Ayashila Amalembo yalemba imyeo ne milimo ya bantu aba endele na Lesa kabili bali aba subwa no Mupashi Wakwe ica kuti balesosa EFYA SOSA SHIKULU, kabili ne fyebo fyabo fyale shininkishiwa ne fishibilo ifishifilwa pamo ne fisungusho. Bali bakasesema bakwa Lesa, kabili i Cebo cakwa Lesa ku nkulo yabo.

Bushe inshita nashipusana nombamba ukucila fintu shali lintu Yesu ali pano? Ni ntungulushi shikapepa sha Mutanike. A basambi bali libumba ilinono pakati ke bumba likalamba ilya mibele ya mipepele. Bene balitamfiwe, uku sekwa, no kubikapo ukwipaiwa pa kwiminina no kusuusha ibumba likalamba ilya mibele ya filonganino. Ifwe limbi teti twipaiwe pa fisumino fyesu ilelo, lelo cine cine tula pakaswa. Cimo nga ba Fariseo naba Saduke, bene tekuti bakane ifisungusho ifyakonkele ubupyungishi bwakwa Muniyina Branham eico bawila ku kulwisha kumbi. Limbi kuti mwaumfwo kuti wene ali kasesema wa bufi, intungulushi ya bakapepa ba muntu, ne fyabipishapo. Mu cine, wene ali uwaicefya umubomfi wakwa Lesa uwaiminine ndi ukusuusha ukunyantilila kwabulo kunenuka kuntu ifilonganino na bakapepa ba bantu bakwata pa bantu bakwa Lesa. Balwishishe Yesu munshila imo ine lintu Wene aiminine ukusuusha amasambilisho yabo ne ntambi.

Lesá acindike ukufwaisha kwakwa Munyina Branham ukwa kucetekela conse i Cebo camu Baibele, kabili Alebomfya ubupyungishi bwakwe ukutwala imintapendwa ya myeo kuli Yesu Kristu. Ilelo, i Shiwi lyakwa Malaika walenga Cinelubali lilebilikisha nganshi nga fintu Lyaba lyonse. Pepi ne mintapendwa ya bantu isonde lyonse balicetekela Imbila yakwa Munyina Branham. Aka kuti kaba kalibumba kanono pali ba bilioni babili ba baitunga ubwina Kristu, lelo ni lilali lintu abantu bakwa Lesa tabali ibumba linono?

Ifwe twalikwata ukucila pali 1,200 imbila sha ambulwa ishakwata i Shiwi ilya sesemwe ukwisa mu Ukusokolola 10:7. Cila imo muli ishi mbila ilakakwilako ifyankama fyakwa Lesa. Ilyo i Shiwi epo lili kuli imwe nga cakuti mulefwaya uku Lyumfwa.

U KUSALA KULI IMWE

Tapatala apaba inshita nelyo imo ilyo Naleta i mbila ku bantu ukuti bene benga konka ine, nangu kuilunda ku lukuta lwandu, nangu kutampa isenge limo nangu kabungwe. Nshabala cite co kabili nshacite co nombá. Ine nshisekela muli ifyo fintu, lelo Ine nsekela mu fintu fyakwa Lesa na bantu, kabili nga cakuti kuti nakwanisha icintu cimofye Ine kuti naba uwaikushiwa. Ico cintu cimo kumona uku pampamikwa kwa kwampana kwa cine u kwa ku mupashi pakati ka kwa Lesa na bantu, uko abantu baba ifibumbwa fipya muli Kristu, abaisushiwamo no Mupashi Wakwe no kwikala ukulingana ne Cebo Cakwe. Ndeita, ukupapata no ku soka bonse ukumfwa i Cebo Cakwe pali ino nshita, no kutula imyeo yenu umupwilapo kuli Wene, nga fintu fye Ndecetekela mu mutima wandu ukuti Nali ipela onse kuli Wene. Lesa amupale, kabili shi ukwisa Kwakwe kwinga sekesha umutima wenu.

IFYAKULOSHAKO

YESU KRISTU NI LESA (BULESA)

UKUFUMA 20:3	Wilaba na milungu imbi pa cinso candi.
ESAYA 9:6	Pantu umwana nafyalilwa kuli ifwe, umwana mwaume napeelwa kuli ifwe: bukateka bukaba pa kubeya kwakwe: ne shina lyakwe akenikwa Uwacipeshamano, Kabilo, Mulungu Impalume, Wishi wa nshitape, Cilola wa Mutende.
MATEO 1:23	Moneni, umukashana uushabala opwa akemita, no kufyalo mwana mwaume, kabili ishina lyakwe likenikwa Imanuele, icalola mukuti, Lesa aba naifwe.
YOHANE 1:1	Mukutendeka mwali Cebo, kabili Cebo ali pamo na Lesa, kabili Cebo ali ni Lesa.
YOHANE 1:14	Kabili Cebo aishilebo buntunse, no kwikala muli ifwe (kabili twaloleshe ubukata bwakwe, ubukata ngo bwa wafyalwa eka kuli Wishi,) uwaisulamo ukusenamina ne cine.
YOHANE 4:24	Lesa Mupashi, naba mupepa bali no kumupepela mu mupashi na mu cine.
YOHANE 5:43	Ine naishila mwi shina lyakwa Tata, naimwe ukunsekelela iyo: umbi nga aishila mwi shina lyakwe line, wene kuti mwamusekelela.
YOHANE 8:19	Eico balatila kuli wene, Ali kwi Wiso? Yesu alyaswike ati, Tamwishibe nangu nine nangu ni Tata: amwishiba ine, nga mwaishiba na Tata.
YOHANE 10:30	Ine na Tata tuli bamo.
YOHANE 12:45	Kabili uumona ine amono wantumine.
YOHANE 14:8-9	Filipi atile kuli wene, Mwe Shikulu, tulangeni Shinwe, nga tupeme. Yesu atile kuli wene, Bushe naba pamo na imwe inshita yakulefi, kabili tawanjshiba, Filipi? Uwamona ine amona na Tata. Nga cinshi ulesosela auti, Tulangeni Shinwe?
YOHANE 20:28	Toma alimwaswike ati, Mwe Shikulu kabili Lesa wandi.
IMILIMO YA BATUMWA 2:36	E ico lekeni bonse aba ng'anda yakwa Israele beshibe bwino bwino ukuti, Yesu uwo imwe mwananike, Lesa acita wene, Shikulu kabili Kristu.
IMILIMO YA BATUMWA 9:4-5	Kabili awile panshi, no kuumfwe shiwi lile mwebwa, Sauli, Sauli, cinshi undamatila? Awe atile, Nimwe bani, Shikulu? Na Shikulu atile, Nine Yesu untu iwe ulelamata: Cintu cakosa kuli iwe ukupanta ku myunga.
ABENA EFESE 4:5	Shikulu umo, ukutetekela kumo, ulubatisho lumu,
ABENA KOLOSE 1:13-17	U watupokolwele ku lupaka lwa mfimfi, no kutupilibwila mu bufumu bwa Mwana wakwe uwatemwikwa: Muli uyo e mo twakwatilo kulubuka, e kulekelelwe membu. Wene e cipasho cakwa Lesa uushimoneka, libeli lya ku cibumbwa conse: pantu muli wene emo fyalengelwe ifintu fyonse mu muulu na pano isonde, ifimoneka ne fishimoneka, nangu fipuna fya bufumu, nangu bucbinda, nangu bumulopwe, nangu ba lupaka: ifintu fyonse fyalengelwe muli wene, kabili fyalengelwe wene: wene nao atangilile fyonse, kabili muli wene emo ifintu fyonse fyakobenkana.

ABENA KOLOSE 2:6-9	E ico ifyo mwapokelele Kristu Yesu Shikulwifwe, ifyo fine endeni muli wene, abalimbwa kabili abale kuulilwa muli wene, abaleikashiwa ku kutetekela ngefyo mwasambilishiwe, kabili mube abalefusho kutootela. Cenjeleni ukuti umuntu e mubeleleka mu kutemwa amano ayali longolo lwafye, umwalole cishilano ca bantu, umwalole mipashi ya kaponya ya pano isonde, no mwalola Kristu iyo. Pakuti muli wene e mwaikalo mwisulo onse wa Bulesa mu mubili.
ABAHEBERE 13:8	Yesu Kristu nifyo fine, mailo nalelo, na kunshita sha muyayaya.
1 YOHANE 5:7	Pakuti kwaba batatu ababelo bunte mu muulu, Tata, i Cebo, na Mupashi wa Mushilo: kabili aba batatu bali umo.
UKUSOKOLOLA 1:8	Nine Alifa kabili Omega, intendekelo kabili impela, eflyo asosa Shikulu, uulipo, kabili uwalipo, kabili uukabapo, Uwa maka yonse.

ULUBATISHO LWA MUMENSHI

MATEO 28:19	E ico kabiyeni, kalengeni aba nko shonse ukuba abasambi, mulebabatishisha mwi shina lyakwa Tata, ne lya Mwana, ne lya Mupashi wa Mushilo:
MARKO 16:16	Uwatetekela no kubatishiwa akapusuka, uushitetekela akasekwa.
IMILIMO YA BATUMWA 2:38	Awe Petro atile kuli bene, lapileni, no kubatishiwa onse wa muli imwe mwi shina lyakwa Yesu Kristu ku kulekelelwe membu shenu, e lyo mukapokelele cabupe Umupashi wa Mushilo.
IMILIMO YA BATUMWA 4:12	Ne pusukilo talili muli umbi nakalya, nangu lishina limbi takuli mwisamba lya muulu ilyapelwa mu bantu, umo tuli no kupusukila.
IMILIMO YA BATUMWA 8:12	Lelo ilyo batetekele kuli Filipi uwale bila pa fya bufumu bwakwa Lesa, ne shina lyakwa Yesu Kristu, balabatishiwa, abaume na banakashi.
IMILIMO YA BATUMWA 19:3-5	E lyo atile, Nga kanshi cinshi ico mwabatishilwemo? Nabo batile, Mu lubatisho lwakwa Yohane. Lelo Paulo atile, Yohane abatishishe ulubatisho lwa kulapila, pa kweba abantu ukutetekela uyo uleisamukonkapo, e kutila, Kristu Yesu. Awe pakuumfwa, babatishiwe mwi shina lyakwa Shikulu Yesu.
ABENA EFESE 4:5	Shikulu umo, ukutetekela kumo, ulubatisho lumo,
ABENA KOLOSE 3:17	Na conse ico mulecita atemwa mu kusosa atemwa mu kubomba, lekeni fyonse ficitilwe mwi shina lyakwa Shikulu Yesu, ukutootela Lesa Shifwe muli wene.

IFYAKULOSHAKO

BAKASESEMA

MPENDWA 12:6	Elyo atile, Shi umfweni ifyebo fyandi: nga mwaba kasesema muli imwe, Ine SHIKULU mu fimonwa emo nengela njishibwe kuli wene, kabili nkalandila kuli wene mu ciloto.
AMALANGO 18:21-22	Kabili nga mwasosela mu mitima yenu amuti, Kuti twaishiba shani icebo ico SHIKULU ashisosele? Ilyo kasesema asosela mwi shina lyakwa SHIKULU, kabili ico cintu tacicitike nangu kwisabapo, ninshi e cebo SHIKULU ashisosele, mu miya e mo asosele uyo kasesema, mwimututuma.
1 IMILANDU 16:20-22	Kabili ilyo baleendauko kufuma mu luko lumo nokuya ku luko lumbi, ukufuma ku bufumu bumo no kuya ku bufumu bumbi; Talekele muntu ukubacito lumanimani, aebawile ne shamfumu pa mulandu wabo, Ati, Mwikumya mu basubwa bandi, kabili kuli bakasesema bandi mwicitako ububi.
AMALUMBO 105:12-15	Bene pakuba abaume ba mpendwa, ee, abanono nganshi kabili abalebeshi muli ico. Lintu baleendauko kufuma ku luko lumo no kuya ku luko lumbi, ukufuma ku bufumu bumo ukuya ku bantu bambi; Talekele umuntu ukubacito lumanimani: ee, aebawile ne shamfumu pa mulandu wabo ati, Mwikumya mu basubwa bandi, na kuli bakasesema bandi mwicitako ububi.
AMOSE 3:7	Pantu Shikulu LESA tacita kantu, kano abala asokolwele ca nkama cakwe ku babomfi bakwe bakasesema.
MALAKI 4:5	Moneni, Nkatuma kuli imwe Eliya kasesema ku kutangililo kwisa kwa bushiku bwakwa SHIKULU, ubukulu kabili ubwa kutinya:
LUKA 1:70	Ifyo alandile kale mumuyayaya mu tunwa twa ba mushilo, bakasesema bakwe:
LUKA 24:25	E lyo wene abeba ati, Mwe bapelwa mano, kabili abafine mitima ukutetekela fyonse ifyo bakasesema balandile.
IMILIMO YA BATUMWA 7:52	Ni ani wa muli bakasesema uo bashinwe tabamupakese? Baipeye na babiliile kabela ukwisa kwa Mulungami; uo imwe mwabako ba shikamfutu kabili ba ntlamisoka:
IMILIMO YA BATUMWA 24:14	Lelo ici Ndesuminisha kuli imwe, icakuti ku musango uyo batila bucaibela, e fyo ndebombela Lesa waba shifwe, ndetetekela muli fyonse ifyabelo mwalola amalango nefyalemebele bakasesema:
ABENA EFESE 2:20	Kabili abakuulwa pa ca kukuulapo ca batumwa na bakasesema, ne libwe lya pe tungi ni Yesu Kristu umwine;
ABAHEBERE 1:1-2	Kale Lesa alelandila kuli ba shifwe muli bakasesema mu fyakaniko ifingi ne misango iingi, Lelo pa mpela ya nshiku shino nalandila kuli ifwe mu Mwana, uo asontele ukube mpyani ya fintu fyonse, muli uyo kabili alengele isonde.

IFISUNGUSHO/UBUNDAPISHI BWA BULESA

AMALANGO 26:8	Elyo SHIKULU atufumishe mu Egupti ku minwe iyakosa, kabili ku kuboko ukwatambikwa, na ku kutinya kukalamba, na ku fishibilo, na ku fya kupapa:
ABAPINGUSHI 6:13	Na o Gideone atile kuli wene, lye, mwe Shikulu, nga aba ne fwe SHIKULU! Nga cinshi ico catuponena conse ici? Fili kwi ifipesha amano fyakwe fyonse ifyo bashifwe batulondolwelele, abati, Bushe SHIKULU tatuninike ukutufumya mu Egupti? Lelo nomba SHIKULU atulekelesha, no kutupela mu minwe ya kwa Midiani.
AMALUMBO 103:3	E ulekelela amampulu yobe yonse; e uposha amalwele yobe yonse;
ESAYA 53:5	Lelo alashilwe pa fya bupulumushi fyesu, kabili afwantilwe pa mampulu yesu; ukulimuna ukwa kutumwenamo ubutuntulu kwaponene pali wene, na mu fipumo fyakwe e mwaishilo kupola kuli ifwe.
DANIELE 11:32	Kabili ababiifishe cipingo akabaalula ku fya kutasha muli bubumbimunda. Lelo abaishiba Lesa wabo bakakosa kabili bakacita;
MARKO 16:17-18	Ne fishibilo ifi fikakonka abatetekela: mwi shina lyandi bakatamfishamo ifiwa, bakalandila mundimi shimbi, bakekata nsoka, kabili nga banwe ca bwanga tacakabacite akabi; bakabike ndupi shabo pa balwele, na bo bakaba abatuntulu.
YOHANE 14:12	Ndemwebe cine, cine, Nati, Uuntetekela, imilimo iyo ine Ncita na o akacita, kabili akacite milimo iyacilapo pali iy; ico lne ndeya kuli Tata.
IMILIMO YA BATUMWA 19:12	Efyo pa balwele patwelwe ifitambala atemwa utusalu ifyafuma ku mubili wakwe, na malwele yalibalekele, ne mipashi ibifi yafuminemo.
1 ABENA TESALONIKA 1:5	Ico imbila nsuma yesu tayafikile kuli imwe mu nsoso yeka, lelo na mu maka, kabili mu Mupashi wa Mushilo, kabili mu kusubila kwine kwine; filya fine mwaishibo musango uo twabelelemo muli imwe pa mulandu wenu.
YAKOBO 2:18	Lelo, nalimo umuntu engatila, lwe uli ne citetekelo, na lne ndi ne milimo: Unange icitetekelo cobe ukwabula milimo, na lne ndekulangile citetekelo ku milimo yandi.
YAKOBO 2:20	Lelo bushe ulefwayo kwishiba, We muntu wabula amano, ukuti icitetekelo ukwabule milimo ca fye?
YAKOBO 5:14-15	Bushe umuntu wa muli imwe nalwala? Ete abakalamba ba lukuta bese; na bo bapepe pali wene, no kumusubila amafuta mwi shina lya kwa Shikulu: Ne pepo lya citetekelo likapususha umulwele, na Shikulu akamubusha; kabili imembu isho acita, shikalekelelwa kuli wene
YAKOBO 5:16	E ico yasanineni imembu shenu, no kupepelana, ukuti muposhiwe. Ukupapata kwa mulungami kubomba ku maka ayengi.
1 PETRO 2:24	Wene asendele imembu shesu umwine mu mubili wakwe pa cimuti, ukuti fwe bali abafwa lubali ku lubembu, tube aba mweo lubali ku bulungami; ni ku filaso fyakwe e ko mwaposhiwe.

IFYAKULOSHAKO

(UMUPASHI WAKWA ELIYA)

2 ISHAMFUMU 2:15	Aba bwina kasesema aba ku Yeriko abali pa mulola balimumwene, no kutila, Umupashi wa kwa Eliya nauwa pali Elisha. Awe baishile ku kumukumanya, no kutotela kuli wene pa nshi.
ESAYA 40:3-4	I shiwi lya ule bila mu matololo, Kungwileni SHIKULU inshila, tambalikileni lesa wesu cinkwete mu ciswebebe. Umukonko onse ulundumikwe, no ulupili lonse na kapili fibatamikwe: na pasumbuka apatambalala, na palundumana pabe apabatama:
MALAKI 3:1	Moneni, Nkatume nkombe yandi, ku kukungule nshila ku ntanshi yandi: kabili Shikulu, untu mufwaya, akesa no kupumikisha kwi tempele lyakwe, inkombe ya Cipingo, intu imwe mubekelwa: moneni, ileisa, e fyo SHIKULU wa milalo asosa.
MALAKI 4:5-6	Moneni, Nkatuma kuli imwe Eliya kasesema ku kutangililo kwisa kwa bushiku bwa kwa SHIKULU ubukulu kabili ubwa kutinya; na o akabweseshashya mitima ya bashibo pa bana, ne mitima ya bana pali bashibo, epali Naisaume calo ku citipu.
MATEO 11:10 (Marko 1:2, Luka 7:27)	Ulya e walembelwe, ukuti, Mona, Ndekutangishishe nkombe yandi, intu ikakuwamishe nshila ku ntanshi yobe.
MATEO 11:14	Kabili, nga mulefwayo kucumfwa, wene e Eliya uo batile akesa.
MATEO 17:11-12	Na Yesu alyaswike no kutila kuli bene, Kwena Eliya aleisa, no kubweseshamo fyonse. Lelo Ndemweba nati, Eliya aliisa, kabili tabamwishibe, lelo bamucitile conse ico bafwaile. Efyo no Mwana wa muntu alaswa acule kuli bene.
LUKA 1:17	Kabili wene akatangilila mu mupashi na 'maka ifya kwa Eliya, ku kupilibwile mitima ya bashibo ku bana, no kupilibwila bacintomfwa ku kushilimuka kwa balungama; ku kupekanishisha Shikulu abantu abateyanishiwa.
LUKA 3:4 (Mateo 3:3, Marko 1:3, Yohane 1:23)	Ifyo calembwa mwi buku lya fyebo fya kwa Esaya kasesema, aciti, I shiwi lya ulebilikisha mu matololo aleti, Wamyeni umwa kupita Shikulu. Lungamikieni inshila shakwe.

Pa kwishibilapo na fimbi palwa bupyungishi
bwakwa Reverend William Marrion Branham
ne fya ku kwata imbila shakwe, mukwai
lembeleni ku:

www.imbila.net

nangu

Voice Of God Recordings Inc.

Zambia Office

PO Box 36921

Lusaka, Zambia

www.branham.org

www.imbila.net

BEMBA
